



PANDUAN PEPERIKSAAN MEMASUKI SKIM PERKHIDMATAN

PENERBIT RANCANGAN GRED B41



**BAHAGIAN PEPERIKSAAN
SURUHANJAYA PERKHIDMATAN AWAM
MALAYSIA**

Kandungan

Muka Surat

Pendahuluan	2
Panduan Umum	2
Sukatan Peperiksaan	3
<u>Bahagian I</u>	
Amali	3
<u>Seksyen A</u>	
Suara	4
<u>Seksyen B</u>	4 - 5
Penyampaian	
<u>Bahagian II</u>	5
Bertulis	
<u>Seksyen A</u>	
Pengetahuan Am	5
<u>Seksyen B</u>	5 - 6
Karangan	
<u>Seksyen C</u>	
Terjemahan	6
Panduan Menjawab Soalan	7
Penutup	8

Pendahuluan

Peperiksaan ini bertujuan mengukur daya pemikiran serta kebolehan calon mengaplikasi maklumat yang diperolehi melalui latihan akademik, bacaan dan pengalaman. Calon-calun yang menduduki peperiksaan adalah dari pelbagai jurusan. Maka, soalan-soalan yang dikemukakan meliputi pelbagai bidang dan mempunyai skop yang luas.

Matlamat peperiksaan ini adalah untuk mengukur kematangan pemikiran calon agar sesuai dengan kualiti serta potensi untuk dilantik sebagai Penerbit Rancangan, Gred B41.

Peperiksaan ini melibatkan Bahagian I dan Bahagian II. Bahagian I merangkumi Ujian Amali dan Bahagian II merangkumi Ujian Bertulis.

Kelulusan peperiksaan ini merupakan satu daripada syarat lantikan ke skim tersebut. Calon-calun yang memenuhi syarat-syarat lain yang ditetapkan oleh Suruhanjaya Perkhidmatan Awam Malaysia termasuk lulus 'Assessment Centre' akan ditemu duga.

Panduan Umum Peperiksaan Memasuki Skim Perkhidmatan Penerbit Rancangan, Gred B41

1. Pada hari peperiksaan calon hendaklah **membawa**
 - (i) Surat Panggilan Menduduki Peperiksaan.
 - (ii) Kad Pengenalan.
 - (iii) Pensil 2B, pen dan pemadam lembut.
 - (iv) Peralatan lain yang difikir perlu.
2. Calon perlu berada di pusat peperiksaan **30 minit** sebelum peperiksaan dimulakan.
3. Calon perlu mematuhi arahan Ketua Pengawas.
4. Calon **tidak dibenarkan** berkomunikasi dengan calon-calun lain. Sila angkat tangan jika ada masalah atau sebarang pertanyaan.

5. Calon hanya boleh meninggalkan pusat peperiksaan **30 minit** selepas peperiksaan dimulakan.
6. Jawapan hendaklah dibuat dalam
 - (i) Kertas OMR
 - (ii) Kertas tulis SPA
7. Nombor Kad Pengenalan pada kertas jawapan hendaklah **sama** seperti dalam Surat Panggilan Menduduki Peperiksaan.
8. Rujukan kepada mana-mana bahan adalah **tidak** dibenarkan.
9. Calon mesti **berpakaian kemas**, sopan dan tidak menjolok mata.
10. Penggunaan mesin kira adalah **tidak** dibenarkan.

Sukatan Peperiksaan Memasuki Skim Perkhidmatan Penerbit Rancangan, Gred B41

Peperiksaan ini mengandungi dua bahagian iaitu:

- Bahagian I - Amali
- Bahagian II - Bertulis

BAHAGIAN I – AMALI

Bahagian ini mengandungi dua seksyen iaitu :

- Seksyen A : Suara
- Seksyen B : Penyampaian

Semua calon dikehendaki menjawab kedua-dua seksyen.

Seksyen A - Suara

1. Calon-calon akan diuji suara dalam **dua bahasa**.
2. **Satu** di dalam **Bahasa Melayu** dan satu lagi di dalam bahasa/ **dialek lain** yang ditentukan tertakluk kepada keperluan jabatan.
3. **Penilaian** terhadap bacaan calon adalah berdasarkan kepada mutu suara seperti berikut :
 - (i) Jelas dan terang
 - (ii) Nada Suara

Seksyen B – Penyampaian

1. Calon-calon akan diuji bakat, kebolehan dan kreativiti dalam perkara-perkara berikut:
 - i) Penyampaian Berita (**WAJIB**)
 - ii) Penyampaian Pengulas Acara Sukan
 - iii) Penyampaian Pengulas Siaran Langsung
 - iv) Penyampaian Laporan Wartawan Lokasi
 - v) Penyampaian Hiburan
2. Calon-calon adalah **diwajibkan** untuk menjawab **soalan Penyampaian Berta** manakala bagi soalan seterusnya calon dikehendaki memilih salah satu di antaranya sahaja dan menyampaikan dalam bahasa pilihan masing-masing. Contohnya: Bahasa Melayu, Bahasa Inggeris, Tamil, Cina dan lain-lain bahasa/ dialek yang diperlukan oleh jabatan.
3. Calon-calon akan diberi masa **20 minit** untuk membuat persediaan sebelum ujian dijalankan.
4. Penilaian akan diberikan seperti berikut :
 - a. Kreativiti
 - b. Pengolahan
 - c. Kelancaran

- d. Sebutan
- e. Penghayatan

BAHAGIAN II – BERTULIS

Bahagian ini mengandungi tiga seksyen iaitu:

- Seksyen A - Pengetahuan Am
- Seksyen B - Karangan
- Seksyen C - Terjemahan

Seksyen A – Pengetahuan Am

1. Masa yang diperuntukkan bagi Seksyen A ini ialah **30 minit**.
2. Bilangan soalan ialah 40, iaitu terdiri daripada soalan **aneka pilihan**.
3. Soalan-soalan dalam seksyen ini adalah berbentuk aneka pilihan 4 pilihan jawapan.
4. Calon-calun dikehendaki menjawab semua **40 soalan** yang disediakan.
- 5.. Soalan bagi Seksyen A adalah menguji pengetahuan calon mengenai bidang-bidang berikut:
 - i) Kenegaraan
 - ii) Isu-isu semasa
 - iii) Ekonomi
 - iv) Sosio Budaya
 - v) Media
 - vi) Hiburan
 - vii) Sukan

Seksyen B – Karangan

1. Masa yang diperuntukkan ialah **70 minit**.

2. Bilangan soalan yang dikemukakan ialah 6. Calon **diwajibkan menjawab 2** soalan sahaja.
3. Calon akan diberi enam tajuk mengenai isu-isu semasa dan dikehendaki menulis 2 karangan.
4. Satu dalam Bahasa Melayu dan satu lagi dalam bahasa/ dialek lain yang ditentukan tertakluk kepada keperluan jabatan.
5. Setiap karangan **tidak melebihi 300** patah perkataan.

Seksyen C – Terjemahan

1. Masa yang diperuntukkan ialah **40 minit**.
2. Hanya 2 soalan dikemukakan dalam seksyen ini.
3. Calon-calon akan diberi dua petikan karangan yang **mengandungi lebih kurang 100 patah** perkataan setiap satu.
4. Satu petikan karangan dalam Bahasa Melayu dan satu lagi dalam Bahasa Inggeris/ Bahasa Lain yang ditentukan tertakluk kepada keperluan jabatan
 - i) Petikan Karangan A – Bahasa Melayu
 - Petikan karangan ini hendaklah diterjemahkan ke Bahasa Inggeris atau satu bahasa yang ditentukan.
 - ii) Petikan Karangan B – Bahasa Inggeris dan Bahasa Lain.
 - Petikan karangan ini hendaklah diterjemahkan ke Bahasa Melayu.

Panduan Menjawab Soalan

Nasihat-nasihat berikut diharap dapat membantu calon-calon dalam peperiksaan ini.

Soalan Objektif

- (a) Calon perlu peka bahawa kesemua calon yang menduduki peperiksaan ini adalah dari pelbagai bidang akademik. Soalan-soalan yang dikemukakan juga meliputi kesemua bidang akademik. Oleh yang demikian, terdapat beberapa soalan yang berkemungkinan sukar untuk individu tertentu menjawab kerana berada di luar bidang pengkhususan. Soalan-soalan tersebut, walau bagaimanapun, mungkin sesuai untuk calon lain yang berpengetahuan dalam bidang tersebut. Oleh itu, jika terdapat soalan yang tidak boleh dijawab dinasihatkan agar calon tidak membuang masa dan terus menjawab soalan-soalan yang berikutnya. Apabila masa mengizinkan kembali kepada soalan tersebut.

- (b) Soalan objektif adalah soalan aneka pilihan, **4 opsyen** jawapan dikemukakan dan calon perlu **memilih 1 jawapan** sahaja. Jawapan yang diberi hendaklah betul dan merupakan jawapan yang paling tepat. Oleh itu, calon-calon hendaklah membaca dan mengkaji ke semua opsyen yang dikemukakan.

- (c) Bagi merekod jawapan, calon dibekalkan borang khas yang akan diproses menggunakan komputer. Ditegaskan agar calon menggunakan **pensil 2B sahaja**. Sekiranya calon menggunakan alat tulis yang lain seperti pen, jawapan calon tidak diambil kira kerana komputer tidak dapat memprosesnya. Jika calon perlu membuat perkiraan, jawapan contoh dan sebagainya, gunakan kertas lain atau buku soalan. Borang yang dibekalkan adalah khusus untuk merekod jawapan.

Penutup

Calon sekali lagi dinasihatkan supaya cuba mendapatkan markah yang terbaik. Jika lulus, calon mungkin berpeluang untuk dipanggil temu duga. Ini bermakna peluang untuk dipertimbangkan ke jawatan Penerbit Rancangan, Gred B41 adalah lebih baik.

“Selamat Maju Jaya”

Bahagian Peperiksaan Suruhanjaya Perkhidmatan Awam Malaysia